



## ԼՈՒՐԵՐ ԹԵՄԵՐԻՑ

ՍԱՐԳՍԱՐԱՊԱՏԻ ՀԵՐՈՍԱՄԱՐՏԻ  
ՏՈՆԱԽՄԲՈՒԹՅՈՒՆ ԼՈՆԴՈՆԱՀԱՅ  
ԳԱՂՈՒԹՈՒՄ

Մայիսի 27-ին, կիրակի օրը, Հայոց Հայրապետի 1972 թվականի սեպտեմբերի 3 թվակիր կոնդակի հրահանգի համաձայն, լոնդոնահայ գաղութը եկեղեցական ու ազգային հանդիսությամբ տոնախմբում է հիշատակը Սարդարապատի ճակատամարտի նահատակների՝ հերոսամարտի 55-րդ տարեդարձի առիթով:

Լոնդոնի ա. Սարգիս եկեղեցում, օրվա հանդիսության առիթով, պատարագել է հոգևոր հովիվ և Մայր Աթոռի միաբան տ. Ներսես Ծ. վրդ. Պողոսյանը և «Հայր մեր»-ից առաջ, օրվա տոնի մասին, ոգեշունչ քարոզ է խոսել՝ «Մակայն բազում գործք արությանն գտանին գործեալ և ի մերում աշխարհիս, և արժանի գրոյ յիշատակի...» (Մովսես Խորենացի) բնաբանով:

Ա. պատարագի հոգեպարար երգեցողությունը կատարել է ա. Սարգիս եկեղեցու երգչախումբը՝ Ե. Միսիրյանի ղեկավարությամբ: Ա. պատարագի երգեցողությանն իր մասնակցությունն է բերել Լոնդոնում գտնը-

վող հայրենաբնակ երգչուհի օրիորդ Մարի Պողոսյանը:

Հավարտ ա. պատարագի կատարվել է Սարդարապատի հերոս նահատակների հիշատակին նվիրված մասնավոր հոգեհանգրստյան արարողություն:

Այնուհետև օրվա հանդիսության առիթով ա. Սարգիս եկեղեցուն կից Նվարդ Կյուլպենկյան սրահում տեղի է ունեցել ճաշկերույթ-հանդես, որին իրենց մասնակցությունն են բերել շուրջ երկու հարյուր հրավիրյալներ: Ծաշկերույթի ժամանակ տ. Ներսես Ծ. վարդապետը, Ս. Գապարաճյանը, Հ. Փալամուտյանը, Ա. Կյուզելյանը, Կ. Փափազյանը հանդես են եկել «ոգևորիչ և սրբապատկառ» ճառերով:

Ծաշկերույթ-հանդեսի ժամանակ գործադրության է դրվել նաև գեղարվեստական մի գեղեցիկ ծրագիր: Ա. Սարգիս եկեղեցու երգչախումբը Ե. Միսիրյանի ղեկավարությամբ կատարել է «Սարդարապատի քաջեր» և «Էրեբունի» խմբերգերը: Զ. Ծամյանը դաշնամուրի վրա նվագում է Ա. Խաչատրյանի «Սուսերով պար»-ը: Ա. Կյուզելյանն արտասանում է Հ. Ծիրագի «Իմ սուրբ հայրենիք»-ը, իսկ երգչուհի Մ. Պողոսյանը

յանը կատարում է «Կոուկ», «Քելե, քելե» և «Կիլիկիա» երգերը:

Հանդիսության ավարտին տ. Ներսես ծ. վրդ. Պողապալանը շնորհակալություն է հայտնում հանդեսի բոլոր մասնակիցներին, մասնավորապես ԱՄՆ-ից, Մերձավոր Արևելքից հյուրաբար ժամանած ներկաներին: Ապա հայր սուրբը գնահատանքի և օրհնության ջերմ խոսք է ուղղում այն տիկնանց, որոնք սիրահոծաբ կերպով պատրաստել են հանդիսության մատաղը:

Սարդարապատի 55-ամյակին նվիրված այս խրախուսիչ հանդիսությունը ավարտվում է հոգևոր հովվի՝ հերոսների հիշատակին արտասանած «Հոգւոց»-ով և խմբովին երգված Տերունական աղոթքով:

### ԼՈՒՐԵՐ ԼՈՒՆԱՀԱՅ ԳԱՂՈՒԹԻՑ

Հունահայերի թեմական խորհրդի՝ Մայր Աթոռ ս. Էջմիածնին ուղարկած «Հաղորդագրություն»-ից տեղեկանում ենք, որ վերջերս Աթենքում, Փերիսթերիի ս. Աստվածածին եկեղեցում, տեղի է ունեցել հունահայ համայնքի թեմական (ս. Գրիգոր Լուսավորիչ միություն) ընտրությունները:

Այս կապակցությամբ և մասնավոր հրավերով Աթենք է ժամանել Ավստրիայի հայոց հոգևոր հովիվ տ. Մեսրոպ ծ. վրդ. Գրիգորյանը:

Ընտրությունների հաջորդ օրը տ. Մեսրոպ ծ. վարդապետի նախագահությամբ և թեմի հոգևոր հովիվ տ. Հակոբ քհն. Ռյուստեմյանի ներկայությամբ գումարվել է նորընտիր թեմականի առաջին նիստը, ուր և կազմվել է դիվանը՝ հետևյալ անձնակազմով.

Ստեփան Ֆեսճյան՝ ատենապետ.

Սարգիս Խաչատուրյան՝ փոխ-ատենապետ.

Հայկ Ղազարյան՝ ատենադպիր.

Լևոն Բյուսեյան՝ գանձապահ.

Կարպիս Գալայճյան՝ խորհրդական անդամ.

Հակոբ Մերճանյան՝ խորհրդական-անդամ.

Վարդգես Թադևոսյան՝ խորհրդական-անդամ:

Հանուն Ամենայն Հայոց Հայրապետի շնորհավորում ենք հունահայոց թեմի նորընտիր թեմական խորհրդին և մաղթում նրան եկեղեցաշեն գործունեություն՝ ի պաշտոնություն թեմի եկեղեցական-ազգային և մշակութային կյանքի:

